

convocatione Paganorum, vel redemptione captivorum sive ejusdem Sedis supplemento multimodis periculis circumdato <sup>50)</sup> vel ibidem Deo militantium Solatio, ob amorem Dei ac b. Sixti Confessoris ejus perpetuo delegamus. Res quoque <sup>51)</sup> præfatæ Sedis, & jam dicti monasterii sub plenissima defensione & immunitatis tuitione volumus, ut consistant ac tueantur: ita, ut nullus iudex publicus aut alia quælibet potestate publica prædita persona, de eorum rebus <sup>52)</sup> fredum, tributa, mansionaticos vel paratas aut teloneum vel fidei iussos tollere aut homines ipsorum tam litos quam & ingenuos, super terram eorum manentes distringere, nec ullas publicas functiones, aut redibitiones, vel illicitas occasiones requirere vel exigere præsumat. Sed, ut liceat venerabili Archiepiscopo prædicto suisque successoribus, ac omni Clero sub eorundem regimine constituto, quiete in Dei servitio degere <sup>53)</sup> & pro nobis proleque nostra atque statu totius imperii nostri <sup>54)</sup> divinam misericordiam exorare. Et ut hæc auctoritas sui vigoris perpetuam obtineat firmitatem, manu propria subter eam firmavimus, & annuli nostri impressione signare jussimus.

Signum Hlodewici (L. S.) piissimi Imperatoris.

Hirminmarus Notarius ad vicem Theodonis recognovi. Data Idus Maji, Anno Christo propitio XXI imperii Domini HLUDOWICI piissimi Augusti Indictione XII. Actum Aquisgrani in palatio Regio in Dei nomine feliciter. Amen.

### 3. År 835.

Påfv. GREGORIUS IV:s stadfästelse för ANSGARIUS i dess Årke-Biskops Embete och uppdrag att omvända Nordiska folkslagen.

GREGORIUS Episcopus, servus servorum Dei, omnium fidelium dignoscen-  
tiæ certum esse volumus, qualiter beatæ memoriæ præcellentissimus Rex Karolus tempore prædecessorum nostrorum divino afflatus spiritu, gentem Saxonum sacro cultui subdidit, jugumque Christi, quod suave ac leve est, ad usque terminos Danorum sive Slavorum corda ferocia ferro perdomans docuit, ultimamque regni ipsius partem trans Albiam inter mortifera paganorum pericula constitutam, videlicet ne ad ritum relaberetur gentium, vel etiam, quia lucrandis adhuc gentibus aptissima videbatur, proprio Episcopali vigore fundare decreverat. Sed quia mors effectum prohibuerat, succedente ejus præcellentissimo filio HLUDEWICO Imperatore Aug. pium studium sacri genitoris sui efficaciter implevit. Quæ ratio nobis per venerabiles Ratolfum sive Vernoldum Episcopos, nec non Geroldum comitem vel missum venerabilem relata est confirmanda. Nos igitur omnem ibi Deo dignam statutam provi-

50) circumdata. 51) itaque. 52) freda. 53) gerere. 54) *deest* nostri.

dentiam cognoscentes, instructi etiam praesentia fratris filiique nostri ANSCHARII, primi Nordalbingorum Archiepiscopi per manus Drogonis Metensis Episcopi consecrati, sanctum studium magnorum Imperatorum, tam praesenti auctoritate, quam etiam pallii datione, more praedecessorum nostrorum roborare decrevimus, quatenus tanta auctoritate fundatus praedictus filius noster, ejusque successores lucrandis plebibus insistentes adversus tentamenta Diaboli, validiores existant, ipsumque filium nostrum jam dictum ANSCHARIUM & successores ejus legatos in omnibus circumquaque gentibus Danorum, Sveonum, (Nortwehorum, Fariæ, Gronlandan, Halsingolandan, Islandan, Scridevindum, Slavorum, nec non omnium Septentrionalium & Orientalium nationum quocumque modo nominatarum) delegamus. Et posito capite & pectore super corpus & confessionem sancti Petri Apostoli, sibi suisque successoribus vicem nostram perpetuo retinendam, publicamque evangelizandi tribuimus auctoritatem, ipsamque sedem Nordalbingorum, Hammaborch dictam, in honore sancti Salvatoris, ejusque intemeratae genitricis Mariae consecratam, Archiepiscopalem esse decernimus. Consecrationem vero succedentium sacerdotum donec consecrantium numerus ex gentibus augeatur, sacrae palatinae providentiae interim committimus. Strenui vero praedicatoris persona, tantoque officio apta in successione semper eligatur, omnia vero a venerabili Principe ad hoc Deo dignum officium deputata nostra etiam auctoritate pia ejus vota firmamus, omnemque resistentem vel contradicentem, atque piis nostris his studiis quolibet modo insidiantem, anathematis muerone percutimus, atque perpetua ultione reum diabolica sorte damnamus, ut culmen Apostolicum more praedecessorum nostrorum causam Dei pio affectu zelantes ab adversis hinc inde partibus tutius muniamus. Et quia te, charissime fili ANSCHARI, Divina clementia nova in sede primum disposuit esse Archiepiscopum, nosque pallium ad missarum solemniam celebranda tribuimus, quod tibi in diebus tuis, uti & Ecclesiae tuae perpetuo statu manentibus privilegiis uti largimur. Sancta Trinitas vitam tuam conservare dignetur incolumen, atque post seculi amaritudinem ad perpetuam perducat beatitudinem; Amen.

#### 4. År 846.

Påfv. SERGIUS II:s förordnande att alla Nordiska Folkslag, som ANSCHARIUS kunde omvända till Christendomen, skulle höra under dennes Ärkebiskopsdöme; bestämmelse af dagar, då han får offentligt bära pallium; fullmakt för ANSCHARIUS att der viga och tillförordna prester, låta bygga kyrkor samt inrätta Biskopsdömen och tillsätta Biskopar, hvilka sedermera alltid skulle vara hans Ärkestols lyd-biskopar; samt stadfästelse på allt löst och fast, som af Christna föräras till hans Ärke-Biskops säte.

SERGIUS Episcopus, servus servorum Dei, beatissimo Anschario sanctae Hammaburgensis Ecclesiae Archiepiscopo gratiam Dei in perpetuum. Quum Apo-